

泊鷗山房集

泊鵲山房集卷二十七

會稽 陶元藻 鳧亭

詩十三

萬石巖

塊壘呈海濱奇狀非一類
點頭固有靈呼丈亦何媿琳
宮嵌嵯峨一逕入幽窕
嶽崎歷落多我醒石已醉
風懦雲嬾行日夕山欲睡
木末寺樓高微吟生寒翠

虎溪巖

忽聞虎溪名疑向匡廬眺
愧我非徵君詎逢遠公笑
斷崖補僧居領秀得要妙
幽厰陰森生乳溜滴懸竅
中有

長明鐙翠壁色照耀雲盤護佛幢花映煮茶銚經秋眼
若明對石句亦峭那得買山錢割此海中嶠

白鹿洞

逶迤驚門山曳屐歷奇變石骨排天青雲端象獅戰雕
鏤神鬼工玉切雲可片元化入虛無心悸目亦眩將奔
勢復迴欲墮根尚戀晦明兩難分漏日僅容線已窮搜
抉心復開蒼翠面巖嶂與軒楹參錯相隱見半椽香積
廚十笏彌勒殿陰崖洩乳泉老樹坐海燕空谷人語靈
風至泠然善

蘇溪阻雨

蘇溪邨外碾輕雷頃刻詩成被雨催
世路石頭原是滑
浮生行腳幾時回
尋常運米擔柴事
底事拖泥帶水來
此住無因亦無想
任他簷溜澣深杯

題黃克晦畫

螺山山人黃克晦
烘染生綃技無對
尺幅蟲穿二百年
神完那怕煙雲碎
夾葉梗楠劈斧山
紛青倒潑孤篷內
長江浩浩波有聲
歌嘯魚龍走靈怪
學畫功成又學詩
南金望重昭前代
畢竟山人畫勝詩
蒼茫眼底荆關在

題青山廟

長鯨跋浪侵我疆
捐軀殺賊忠堂堂
珠旒玉帶神飛揚

龍蛇古屋撐高岡遷基有年迭有主螺陽回首烟蒼蒼
居民不識崔令尹行路爭說青山王村翁伏臘走千載
占年雞卜紛若狂嗚嗚蠻管淵淵鼓老巫歌祝迎神舞
采石曾歸畫旆雲銅牌長掩青山土

重宿開元寺

琉璃法界紫雲屏叉手僧迎舊客星余鬢已增前度白
佛頭未改昔年青難辭塵海勞行役重到空門辨性靈
千步迴廊香噴寂月華如水潑中庭

莘田招飲索詩爰題截句

黃公壚畔酒波深幾度看花擊鉢吟誰識西崑三十六

半齋香草雨中尋

荷庵二首

離門深閉小琳宮
僧在山光水色中
除卻石橋應更好
一絲不挂見真空

海雲凝碧鷺門秋
幾點寒花照荻洲
我與楚王同解脫
白玻璃內雨浮鷗

太平鋪阻雨

柴門臨澗道四壁
聽潺潺隔畝雲沈
樹連邨水蘸山僕
夫嗟况瘁魂夢惜
閒關底事勾留久
生增兩鬢斑

過張襄惠祠

淨峯書屋迷荒荆燈篝翻照祠堂明讀書要得丈夫氣
羞與世俗文人爭張南翁北兩筆畫排雲赤手邊長城
書生自具大神勇馬平一掃攪搶清桓桓勲繼斷藤峽
至今箐峒猺獍驚貴溪剛愎猶可犯分宜勢蝕誰能傾
求裏馬革終不得人疑真屬琉球生

寄故園同學諸子

衰鬢風吹雪影殘賣文詎惜路漫漫故人若問遊閩跡

三載丹鉛在四安

謂惠安詔安同安南安也

莆田道中

清和天氣我徂東蘭水壺山帽影中百畝遠風交不斷

綠榕陰底水車紅

南普陀

海氣昌圓嶂秋生綠蘿逕誰關鷺島奇爭據洛伽勝崇
闕大覺揚龍象呼可應彈指百年閒浮雲同一瞬陵谷
仍高深旃檀變衰盛丹蘄落經臺苔蘚上佛脰惟餘太
古泉泠泠發清聽

九日山

結習在巖阿城市苦束縛人影過邨墟煙嵐翠相薄清
風吹我襟新霽日色弱陰巖泉脈蘇閃閃盪雲腳老樹
不成林三兩見標格岡原本無靈名譽欣所託姜相與

秦君巾舄雙寂寞悠悠千載餘來者孰能樂顏垣山鬼
扳壤道牧豎削登臨會良辰幽蘊感崖嶠

過九龍嶺

松磴縈衣帶天風落海濤夕陽人語少疊嶂馬蹄高
澗水衝花怯榕根絡石牢夜來鄉國夢應惜路周遭

雲霄

地名在漳州

書劒依天末雲霄入望中寒塘飛獨鳥古壘貫晴虹
雨足山農逸時清野戍空迷濛煙樹裏輕颺酒旗風

遊九侯山

巨斧劈天門仙靈結構存平柯爾鳥坐側石讓泉奔磴

白于盤細峯青九點尊生憐阮孚屐踏破古苔痕

食西施舌

海味盤餐美官娥舌本長祇因身許國終古戀吳航

聞黃莘田訃

閩南盛詩豪君學尤善變言情味獨長穎末工洗鍊樊
川禮辦香丁卯亦時見古綆汲何修半職便遭譴挂官
無一錢索句有十硯少年歌鹿鳴頭白重興宴淒然徹
縕袍兀坐嚙藜莧凋盡子若孫老死那堪唁寒食冢草
青麥飯待誰薦聰明福不歸名士天所賤挂劒在何時
臨風泪如霰

五通渡

潏潏海潮迴浮舟指前路濃樹酒家邨雞豚走烟霧

贈延福寺僧

瓶鉢西來大覺林團蒲四佛坐巖陰溪光澹與寒僧近
草色青歸破寺深壁上句無蔬筍氣佛前鐙有淨明心
看山樓好憑誰築思殺祇陀布地金

詔安道中

荔支紅顆正堪攀終日盤輿復磴閒瘴似木犀香鬱勃
人如黃鳥語緡蠻斜陽臨水經荒驛細雨盤陀出故關
臨水盤陀皆地名行到閩南天盡處七年重見粵中山

九日同羅棟亭葉近光劉景若莊允彰陳子超對
公遊大輪山梵天寺

餘酣漱芳澗薄暮叩禪關古院花自落夕陽人未還秋
聲疑渡海雲氣欲沈山記取巖前樹他年應再攀

題荷庵

煙水周遭淨土憑大光明界我初登數弓隙地蔬兼竹
十芴閒房佛與僧過雨寒沙移舊跡隔牆秋嶂見高稜
碧玻璃內天花影悟徹真空卽上乘

鰲峯山長嚴桐峯掌科招飲同步月至前山仙井
習靜渾如老學庵大榕陰底好清談狂吟敢詡又盈八

易醉偏逢雅有三黃石仙踪尋濟北小山叢桂憶淮南
停輿忘卻言歸晚爲愛澄波月一潭

廿年未遂買山謀偶見林巒屐便畱休悵池臺非故國
須知名利盡浮鷗涼生輞水淪漣夜人坐承天竹栢秋
著述前緣知未了莫教容易雪盈頭

遊清源山

出郭近青山山近人已遠突兀石摩雲檀欒竹緣坂要
窮梯棧高寧辭陟攀蹇幽丁鐙照扉崇阜蓀在畹禽狎
息人機松涼健僧飯遯跡輪巢由曠懷抗嵇阮一脈清
源清對之發由纒繼

福州守李衛郊南平令衛復山延平守傅見素俱
被議挂冠連江令王謹夫復以憂去未及二載
相繼分馳懷舊憮然爰成一律

晨星落落悵殊方江北江南思渺茫
獷悍未能刀買犢逋逃竟類路亡羊
焚巢麋竺灰沈海攀樹皋魚淚滿裳
如此交遊相失盡不關離別已神傷

弔黃莘田明府

空庭鳥滿綠苔滋無復茶煙上鬢絲
十硯賣完緣易米一官罷去爲吟詩
閉門每嘆文窮甚垂死尤憐鬼餒而
白髮浩翁今不見閩南風雅有誰支

題耕織圖爲陳章占太守作

桃源風景幽岐俗苔逕柴門互相屬幾堆石骨螺黛青
一折溪流鴨頭綠畧約長橫饁餉行倉庚乍斷鳴機續
田家麥熟兒催解還望嘉禾發新穎黃梅過雨四五朝
平野交風雨三頃祭虎壇遙社鼓低叱牛人早農衣冷
一犁耕破曉畦烟又見斜陽照鞭影則壤曾窺禹貢篇
塗泥未改揚州境簷楹結構林疎處中有雲鬟靚粧女
鹿眼籬邊軋軋聲棗花簾底喁喁語玉尺誰量蛺蝶衫
金梭先擲鴛鴦杼奪得天孫錦七襄分來鮫室冰千縷
屢豐年慶太平人挾纊加餐春復春安知園草萼芳戲

如殺歌臺舞榭塵誰歟畫手真良工丹青意匠經營中
能驅千畝歸尺幅煙雲直與村墟通由來太守重民事
要觀蒨屋筐箱豐天應用爾作麴蘖補成粉米兼華蟲
索我長歌歌漫作天涯頓想田園樂浮生夢已醒黃粱
底事絲蠶自束縛香稻紅杭故國思黃雞白酒當年約
公孫布被晏嬰裘水北花南燠堪托桑柘陰中扶杖看
秧田綠到山陰郭

訪金車銅魚古蹟

愧乏高軒作賦才臨淵思築釣鰲臺無端砥柱凌波起
何處山根渡水來千載地形畱鎖鑰一篙春漲見滌洄

仙人灰劫金銅質不及中流石幾堆

咏紅橋板

笙簫樂奏鈞天技慢亭秋月虹橋起凋零斷板賸山頭
賓宴曾孫長已矣束馬懸車不易求天風吹墮層雲裡
青嶂無波照鬢絲此橋何用仙何之此橋何用仙何之
君不見世上桑田變海時

遊鼓山二首

不辭老嬾手扶筇數里盤紆到此峯丹嶂斧深窺剩句
法堂雲黑有降龍松陰翠鬣長明火僧唄清連欲斷鐘
翻怪當年多一喝靈泉變卻舊來蹤

時聞春鳥語
輟輟始覺禪
房竹木幽
淨土燄浮眞
舍利中峯勢
壓小琉球
看松遲赴三
年約聽雨多
增半日留
如此烟霞滿
邱壑出山那
得不回頭

咏方竹

萬物好模稜
兩竿見圭角
相對欲忘形
標格頗不俗
習涼風來凝
香度林薄
圓者盈西軒
方者轉寂寞
幽人起長吁
雷同苦難學
直道久不行
如何更嶽嶽

弔蔡獻來觀察

鷺島分岐馬
首東嶺雲灘
月斷魚鴻憐
才意重雲霄
上感舊悲深
纒綫中宦海
有波驚噩夢
椒漿無路奠
西風

青衫濕盡平生淚
倒屣何人繼蔡邕

謁范公祠

靈宮一逕入青松
秋鶴春猿共此峯
五月在官偏憤切
三年赴死轉從容
未酬謝傅新亭志
空抱蘇卿雪窖胸
幕府有魂應不散
重尋鈴閣泣相逢

過靖海侯施公故第

畫戟三重照里閭
澎湖猶憶誓師初
樓船下海凌楊僕
寢殿鞭尸慟伍胥
波悍鼉鼉驚出沒
陣工蛇鳥善驅除
運籌辛苦姚官保
輸與軍門報捷書

鼓山四首

一峯標劣削千佛聚莊嚴折逕遠難到清心老更添泉
聲帶喧寂松色辨濃纖舉首諸天界晴嵐擁翠簷

洗鉢過晚飯談元慰素期嬾雲眠石磴寒月凍牟尼魚
板響通答幡幢影互移沈沈梵王殿不昧是琉璃

佛閣聽朝雨家僮報午晴庭花時一落巖鳥忽雙鳴豈
習蔬筍味自怡林壑情湧泉鄰喝水無滅便無生

降龍傳往偈入定剩空巖寺久佛心古山青客眼饒樽
前走雲海樹杪出風帆坐此忘歸石斜陽又滿衫

過建寧祭練夫人墓

椒聊繁衍越山川淒絕香魂閩嶠邊隧道久成官舍路

漆鎧深隔繚垣烟孤城有義全民社荒塚無人挂紙錢
爲薦溪毛作寒食灘頭一駐客星船

三月三日作

乍晴天氣三月三老夫嬾似春眠蠶枕中有秘不冒讀
連朝殊少驚人談十字堆盤新炙美一旗展柅清泉甘
偶然拄杖出門視滿篇春漲浮深藍蘭亭回首亭山促
修竹煙凝永和綠昭陵玉匣紙已灰逸少流觴水猶曲
惠風和暢客他鄉修禊良辰許誰續花登九錫黃蜂驕
游絲冒徧垂楊條韶光草草等閒過那知一刻千金省
風輪水輪多倚著惟余影類孤雪飄買山無錢隱何處

蘆蒲髮短空爬搔詩能窮人欲焚硯一笑又放聲調刀
踏青舊侶今何在裘馬輕肥聲百倍鵬程自歎終遠而
文戰何能再礪乃向平婚嫁了多時不走名山走塵海
船尾春鎗憶去年夢魂驚斷灘聲每

遊開化寺後院

夕陽明前岡返照湖上寺人影曳波心閒隨水雲至徘徊
大覺場窮歷得幽邃小山天所藏舊圃僧自治齒齒
白石頭羅列有倫次一逕上孤亭目豁情亦恣攜壺厲
酒兵拂硯樹吟幟老樹盤高春濃陰覆清思相待荔支
丹殘牙爲君試

登九仙山

于山有仙人仙去跡已緬扶叩及良辰緣磴睇層巘
風從東來春服正清淺頽雲白自縈老樹翠可選煙霞
爲我留蘿薜情誰翦翛然城郭中稍喜塵事免詎必南
山南瑤草方可踐堂堂玉皇居朱旛倚霄展象教已無
門元言更難聞徙倚石壇高趺坐苔花軟理彼折足蹢
烹泉啜新薺

聞陳句山太常率於京邸泣然有感

學海迴瀾砥霜天厄閤楊一官京倖薄千里旅魂涼肝
膽誰真摯敦槃絕老蒼罷彈流水曲灑淚獨沾裳

咏史三首

百千童叟出函關
詭說蓬壺藥滿山
絕島已成生聚計
秦人猶望海舟還

灰飛輕藉願昇平
百二秦關忽漢京
圯上一編焚不到
方知黃石勝書生

四皓何曾識子房
肯拋芝草入咸陽
人間豈少鬚眉老
錯認商山誤趙王

金溪

平皋秋氣爽
晚色帶衣涼
一艇隱寒蓼
半溪明夕陽
鷗眠沙渚小
虹貫海天長
誰繼高賢躅
吟聲過野塘

九侯山

襖被穿雲去，緣巖路幾盤。天門通日馭，澗道湧風湍。山
古石痕黑，寺荒僧影寒。松杉青不斷，閒佇石橋看。

侯官嚴氏有園甚窄，泄臺竹樹無不備，偶題數韻。
瑟縮古煙霞，鍊此林壑瘦。會聞石似拳，始信室如斗。磴
斷橋尾聯，崖豁松根湊。花間側帽過，巖底移樽就。竹木
羅眉閒，淺近彌幽秀。誰知半畝宮，瑣屑呈萬有。芥子納
須彌，雲夢吞八九。

出城東納涼大樹下

粉堞西偏暑，灼東。然巾履綠陰中，渾疑消暑灣頭坐。

更得劉襄畫北風

偶題寓齋攸蘇東坡體

篁邨先生拙似鳩營巢三載無林投風雷可驅仙可致
世間只有金難求錢神不識文士面白髮易上鞦人頭
吾道非歟吾計左春風重振臺江舵紅箋歲劈二千番
香荔日餐三百顆出門怕感笠車逢掩室憑呼馬牛我
借書一紙還一紙山畫顛迂竹老可漏添海水夜正長
敗絮衣衾共寒裏華胥夢裏到天閭又被鄰雞唱驚墮
有家學得無家禪濶海空天雲一朵

秋日泛舟梅溪

建溪瀉東濱一折便幽寂沈沈雲下潭
簌簌艇穿荻迴溜搜山根飛篙響石壁
朝曦無烈輝宿雨有餘滴三里蜿蜒城
人煙正羃歷

遊普賢寺

層巒鬱條喬多於大田稼連岡紛糾
纏蒼翠接不暇日月蔽西東升沈漏無
罅迴飈振禽言側石讓客駕緬彼選佛
場灰劫幾興謝瓣香溯貞明魚響猶未
罷心空生智珠石剡何足詫徙倚石橋
寒煙蘿碧眉下閃閃雙瀕泉遙隨白雲
瀉

再題普賢寺壁

我遊梅溪溪上峯霜飛不到林影濃交柯接葉因而重
天風吹罷秋雲鬆嵐光下照黃金容人天師坐默不語
妙香生處飄踈鐘楞嚴法華卽衣鉢休問靈濟曹山宗
作詩豈患蔬筍氣未免寒瘦如吟蛩大開笑口出門去
手扶七尺穿雲筇奔泉泠泠鳴到耳熱塵襟易清涼
煙霞廻旋峯嶺複鶴聲一一遙相從翻憶匡廬李白句
吾將此地巢雲松

寄懷湖南梁瑤峯中丞

長沙開府牙作幢印床香繞薜蘭茳

帝曰都哉汝作楫克濟江漢綏楚邦自南宣化猶自北

兩湖獷悍成敦龐洞庭蕭湘千里濶
鄒膏滂沛流淙淙歐勲范績根柢厚
鼎鐘襄鄂相摩撞願公忠勤永無替
主恩深湛如春江惟公詞賦麗以則
攀躋白也髯蘇降仙風吹落七星句
聲撼玉堂雲霧窗銅盤巨製更排冑
萬鈞禹鑄筆可扛憐余萍泛仍闕海
鹿門未得歸老龐紗清自賞流水奏
酒紅誰鬪珍珠缸聯吟舊遊猶歷歷
花田鐵塔羚羊籠心明道古時一夢
微風幽幔明鐙缸新詩官寄虎門月
三十六鱗魚一雙

釣龍臺懷古

海壖延袤山森嚴波腥水黑驪龍潛
蜿蜒蜿蜒穿井穴

鱗之而動光連纖越王一釣靈怪起來觀驚走千罔閭
羣臣奉觴爲君壽咸矜九五飛龍占釣鰲釣鰈事轉陋
屠龍豢龍勇可兼白帝子輸赤帝子宮庭反受遺滌玷
漢家將軍天上至降旗紅閃邨中帘如貔獅旅尙難禦
天矯神物烏能拈人妄言之姑妄聽芒鞋過訪青山尖
橋影垂虹常瞰水江光如鏡初開奩高稜翠繞隔江潝
松杉濃綠深春添迴闌疊砌非古制那有臺榭凌飛檐
毬場草荒戰坂廢新豐堤市同淪淹况逾唐晉更千載
劫灰何處重觀瞻帆檣絡繹濤汗漫芳洲祇有魚喁噉
青天無雲走霹靂長綸竿斷金鈎鏃願得僧繇點睛筆

還將陳跡圖霜縑

思歸

漫說人閒重晚晴思歸輾轉憶尊羹侯門紛列三千履
壁價空高十五城無計破琴羞伯玉幾思撾鼓學禰衡
太倉紅朽何曾少底事銜薑悞一生

伏雨闌風朝復昏黃金用盡敝貂存行文多譽心滋惑
投刺無門道始尊難向瞽聾加棒喝誰從涇渭辨清渾
箋經每到緇衣什細剔鐙花仔細論

就枕蕭辰睡未宜非關愛月夜眠遲鬢絲易被秋風翦
鞭影空隨斗柄移客裏有歡皆勉強老來無病亦支離

願將繡剩平原線還倩天孫織子期

夏蟲已識語冰難况復羊腸百八盤強半鬚眉形似蛾
無多肝膽臭如蘭誠知天意容吾嬾其奈人情惡士寒
早向雲門卸包裹免教人作磨驢看

寓齋無花木之植有竹一叢掩映雕牆外欣然賦
之

翠影欹斜暮色寒隔牆交映自檀欒分明碎雨零煙下
寫出蕭家十五竿

癸巳三月爲日永長老七袞初度先期命其弟子
晦巖走百里外勾余詩懸諸方丈余聞長老南

安人也嘗寄食於榕城數載爲人謀事賢幹而
忠有所感傷遂空一切年二十四愛梅溪普賢
禪寺有雲木石泉之勝落染居焉法廣緣深諸
善信頗多崇奉其於寺中先業無少替而修葺
殿宇支駕橋約方且踵事增華亦可謂緇衣中
佼佼錚錚者矣爰贈五言一篇

象教來西方彌天法輪廣惟佛功德深佛故壽無量言
念山中僧煙霞作供養挂搭數十年宗風啓宏暢彌勒
生光輝能因卽如翔白髮照寒潭枯藤挂層嶂鶴影與
松聲清癯足相抗前年索我書爲作壁窠狀今年乞我

詩澁筆少奔放寄此寒瘦吟振彼妙明藏梵逕何迢迢
青岑阻遐訪何日匡廬遊芒鞋笑溪上

寄懷家兄菊坡

分手容城驛路塵生涯等樣歷艱辛常隨店月橋霜影
難息江吳岸越身雙眼有花依破硯一貧無地葬先人
弟兄俱向浮沈老慚媿青衫泪滿巾

料得相逢舊釣磯只愁步履易乖違未儲儋石終須別
不出門庭始是歸骨肉半生萍聚合風塵廿載鴈分飛
那堪慈母堂前線縫卻關山兩處衣

泊鷗山房集卷二十八

會稽 陶元藻 鳧亭

詩十四

西關

馬馱殘雨出西關
獵獵風迴破酒顏
望到寒雲將盡處
一林黃葉照秋山

涵江舟中

夕陽溪上晚風柔
燕尾波分浦潏幽
繞岸綠陰村不見
一聲機杼落扁舟

連日陰雨賦此遣悶

料峭新寒到客毡簷牙不斷雨聲懸難邀月照重昏夜
誰遣雲縫大漏天打戶怕來招飲札捲簾自賦惜花篇
玉川折足茶鐺裡差免山中乞乳泉

臘月初五日初度時年五十有七

憐余憔悴似靈均不降庚寅降丙申羞向名山稱老學
難將冷竈款嘉賓心驚週甲三年近日數抽蓂五葉新
料得故園今夜酒全家俱憶未歸人

將歸故鄉畱別鄭文霽謝治進游大衢方本振方
本衢楊樹棟劉本貽廖景虞諸同學

此去關河汗漫程臨期無限索居情淥波春水重灘宿

茆店雞聲匹馬行兩鬢自慙秦博士三年殊負魯諸生
那堪磊落英多處忍聽陽關唱渭城

江郎山

江郎石何蒼蒼蘿爲帶雲爲裳比肩兀冪千丈強君家
兄弟不可當用韋蘇州句我苦宵行君露處相見銷魂知幾
許山根立馬問前因恨殺江郎不能語

宿招賢寺

春陽上巳初峯黛翠於染精藍近西泠幽秀不可貶方
塘泉脈融奩鏡浮激灩我昔池上居秋涼正生簟齒牙
編貝牢大嚼水邨茨廿年彈指閒鬢腳吳霜點湖氣日

夕佳歸雲四山斂昏黃月上遲星斗芒角閃松影罨禪
窗風鐙自磨颺

小有天園

金碧重樓障林樾清泉靜深石突兀少陵曾作仇池篇
眼底山河又十笏迴廊花映曲折香羣岫雲歸淺深沒
繚垣數里入煙霞象緯平臨識天闕當年我訪南山隅
幽境雖具靈未舒三逕松憐靜者賞半畝官與樵人居
我

皇御極十六載霓旌南下臨安湖山人手闢榛莽地跨
凌厓丁驅郢輪雕甍繡閣竹木瞻茲風景

帝曰都慰麟在郊鳳在閣岐陽靈囿芻蕘趨嘉名是錫
宸翰煥汗流司馬南宮書今春

鑾輅重省幸增華萬象榮光殊

天顏有喜恩賚疊

敕賜墨寶梅花圖齊州九烟掌上得妙諦難教俗人識
模山範水正而奇聳翠流丹麗以則一瓢日月與人同
浩浩春臺樂無極

題石崖精舍

雲根雙壁立天闢古禪扉泉冽魚苗瘦芝多鶴羽肥石
丸支佛几松架曝僧衣指點爐峯路樵人歸未歸

過滄浪亭

滄浪邱壑好懷古一勾留有水軒彌明無雲石自幽斷
鐘僧寺晚紅樹板橋秋差勝蘇臺路荒榛看鹿遊

登虎邱山寺

出郭天宇晴透逸竟芳陌風鈴響琅璫古殿高百尺佛
髻觸雲腰茶鐺駐巖脊孤鶴導行紆重嵐照衣碧銷歇
歐冶工淪亡闔廬魄南無梵王栖誰問虎邱跡徘徊生
公臺磳确尙如昔人世少知心談心不如石

泛舟泖湖

秋水爭春漲乘流欲上天幾堆漁戶舍一葉酒人船邨

遠猶聞大湖空只貯煙華亭無賸墨好景與誰傳

瞻園

大功坊內中山居千章老木臨清渠移來怪石形倔強
紅羊碧獸羅前除峯橫嶺側布置巧宛疑衡岱胚胎初
修廊周遭臺榭密離離花竹兼禽魚中山遺像英靈在
璧月華粲耀精采歌姬會歷十三樓手植猶傳四百載
終古霄馳白玉驄至今人見黃金鑊

中山王嘗乘白馬
夜遊園內至今猶

然江南別墅多且工百年世事嗟飛蓬橫雲漸作榛莽
窟水繪早與狐狸宮高傾曲平已無數何況前代塵灰
空瞻園長託方伯署巋然魯殿靈光同物藉墟培方不

汨人非得地安能雄我來重訪留題處廿載遊踪逐飛
絮憐渠巒嶂翠如初歎我髭鬚雪難去皋禽似識舊詩
人故故松梢款人語

紀事二首

余初不識袁明府枚今年秋相晤於瑤峰方伯
之署袁大驚且喜云壬申歲過良鄉見旅店題
咏頗多有一律甚佳僅署簞邨二字於末不知
姓名因依韻和之不意十八年來相見於此又
云十年前方問亭制府將駐良鄉淮徐勞宗發
觀察時方爲大興令先期灑掃店主欲丐其壁

勞命兩詩俱留之店主懼制府責錄而呈焉制
府大爲擊節傳述同官并命勞公訪余十有餘
載竟不可得而方勞二公已歸道山矣

匹馬曾從燕薊趨橋霜店月已模糊人如曠世星難聚
詩有同聲德未孤笑我長吟忘歲序是誰相訪徧江湖
袁詩手疊花箋書稿
去江湖沿路訪斯人秦淮河上班荆語應識今吾卽故
吾

樓桑旅舍夕陽邨底事高軒過此門飛蓋翠搖新蘸墨
華鎗紅照舊題痕不教塲畫傭奴易便勝紗籠佛殿尊
惆悵憐才青眼客幾番翦紙爲招魂

謂方制府勞
觀察二公也

題雨花臺

佞佛蕭梁自古傳，月中清梵落峯前。
如何不救臺城禍，一片天花變紙鳶。

題金山寺

砥柱常留石，靈鼉未駕梁。
半天雲滂塔，徹夜水明廊。
雁影橫秋遠，江聲入海長。
山門空佇立，玉帶付蒼茫。

題隨園爲袁簡齋作

水破滄江手自驅，垂楊種老倩雲扶。
留中原有真邱壑，眼底重開好畫圖。
四部蟲魚藏複壁，六朝煙雨接平蕪。
夢魂未斷錢塘路，猶訪虹堤界雨湖。

木杓茆亭野趣酣
官教金碧汗晴嵐
聯吟每選花閒石
獨釣偏臨竹下潭
看到白雲疑輞口
攀來叢桂即淮南
松風蘿月清如許
磨沈山房二十三
閣中有書屋二十三
間曲折釣連頗
雅幽

太平箭

箭在今江寧西門相傳
國初王師薄金陵城
守者亟閉門滿洲某引弩射之洞門而殲守者
遂奏膚功

日月新開景運時
金陵餘閏豈能支
千年玉步歸周鼎
三箭天山定漢師
猿臂纔看彎勁弩
石頭早見樹降旗

居民指點黃金鏃銅柱扶桑續並垂

秦淮旅舍

秦淮重越過江鴻地主誰賢憶魏公

謂魏中丞慎齋先生也

渺渺

愁予同北渚蕭蕭落木正西風聲低絃索鐙船遠涼透
題襟水榭空二十年前一規月照人依舊到簾櫳

少司馬芝庭彭公以告休歸里詩見示爰和韻一

律

八挺戎政協堯年武庫輝分北斗躔方慶日邊推贊化
忽聞天上

賜歸田朝衫漸隔爐煙遠吟管新霜竹露鮮不是林塘

清福厚那能容易受

恩旋

江寺

江總才華歎寂寥
臺城腸斷紙鳶飄
一鈴常響浮圖頂
猶似聲聲語六朝

項里

英雄無復到江東
故宅荒涼亂棘中
不是鴻門輕脫兔
此閒雞犬卽新豐

柯亭

月咀霜鐘野寺寒
吳中亭榭已凋殘
稽山豈少如椽竹

那得中郎隻眼看

梅山

辭尉長安歸去來攜家便隱越溪隈只今仙吏無遺鼎
一角雲山尙姓梅

春日散步至城西舊莊

數里西郊路邛邛帶夕暉水暖白魚上春深紅杏飛

典衣

料峭春風做冷天長生庫裏恨綿綿
魏無文字三緘價更少狐裘卅載緣
難解懣惟枵腹計易消磨是典衣錢
憑他凍煞封侯骨披上煙錢聽雨眠

愚庵懷家兄菊坡

廿年回首夢騰騰，悞博聲稱學二應。
詩骨豈因車馬頓，禪窗誰共水雲凭。
湖邊佛髻青於岫，雪後梅花淡似僧。
惆悵題名猶在竹，更無休暇剔書鐙。

春日重過西湖二首

堤上湖光撥眼新，詩瓢茶具訪前因。
鶯花不識風塵面，只有青山似故人。

錢塘門外雪初消，湖水湖煙護柳條。
何處解留雙蠟屐，春風吹綠段家橋。

遊瑞石山

卷五
揀霆裂月春芙蓉宕崑靈驚爭雌雄蟾蜍伏地鰲背起
明駝走入噴虹峯浮嵐重重暖翠疊羊腸鳥道穿玲瓏
根抵盤旋氣磅礴骨幹不與諸山同

樂興南幸神境豁山靈騰躍開眞容塵埋土掩幾千載
頭角忽露驚羣蒙懷奇終與時際會豈關剔抉爬梳空
譬如山車與澤馬

天子神聖臣何功迴廊步步入煙靄相接飛棧摩蒼穹
簷楹窈窕隱木末咳唾半落雲霄中金銀臺闕日照耀
海上那數蓬萊宮居民歡敘

翠華盛更無人問丁仙蹤野鶴潛形永鼎失繁花歷歷

丹砂紅靨徧踏佳麗地倏忽數武迷西東不雨不晴
山正好欲去欲住雲相逢雁門畱題發顏色拂拭峭壁
披心何朝真路口天可通春風謾謾吹古松

題汪氏夜績課兒圖

鄰雞聲杳曙光遲辛苦寒宵蟋蟀知半敝帷遮一星火
兩窮嫠對十齡兒同心汨續愁如縷永夜經傳母是師
古綆到今修幾許莫教忘却辟繡時

遊寓園尋祁忠愍公殉節處和壁閒前人舊韻

墮舄遺弓弔劫塵稗蒲池畔泣孤臣紅欄映水如丁卯
素旄招魂是甲申落日山前雙佛塔秋聲樹裏一詩人

摩挲壁上題痕古檐角藤花冒葛巾

偶成

家住湘湖鷗鷺邨看山樓倚菊山根
藜床夢醒日卓午無數白蓮香到門

咏水仙花

分來芳杜一汀煙錯認春風放白蓮
翠盞孤根波細細夜窗清影月娟娟
原無塵垢心如冰得住江湖我亦仙
鼻觀自參香不散夢扶花氣上漁船

雲栖

窈窕水家邨參錯蓮公屋飛泉接遠峯
數里到幽谷荒

廚絕腥羶采香動盈掬庭柯竄蒼鼯寺門守馴鹿客從
何方來懸鐙講堂宿四圍雲滃山人語在深竹

相傳蓮池將建

道場請至五雲山聞山主姓水遂乞施捨築茆
於斯至今山下有水姓一邨寺僧奉爲檀越

過金泉井偶成

汲引何曾少沈淪偏獨深虛涵利用志清鑒在山心花
雨臨流羨松風抱甕竚識高輪陸羽悵望到而今

張爐

銅山軒后鑿範器類金相滌水工偏盛清河技最强方
圓遵古制冷暖問中藏圖海瀾生紫鍤雲暈疊黃迴春
得鳳炭執熱到蘭房供奉鴛幃密提攜雪夜長拂衣呈

異彩映帕發堅光豈有熏心懼應知炙手良人如冬日
煖冰與夏蟲忘娛老隨燕玉消寒勝蜀薑硯依融墨凍
釵落響金鏘茜袖微籠火湘裙暗護香溫存凌八繭留
戀過三陽寶鴨分雞舌金猊共象床吳興成薛鏡西浙
雨傳芳

中秋

萬里無雲絕點塵蟾光四溢汞流銀垂簾小婢藏紅燭
掠鬢涼風起白蘋無語可驚詩負月有年輒醉酒欺人
與誰共說南朝餅自啖堆盤十字新

春日寄懷熙載顯甫

春服初成日邨醪乍熟天鶯花逢上巳朋舊憶斜川雨
屐裙腰路風鐙鴨嘴船文通長賦別江水自年年

哭吳錫炳信

搖落孤根悵漢南渭陽誰與送行驂家經板蕩天難問
病到膏肓藥豈堪徒媿程嬰存趙武余赴粵時妹氏與
余訣別會以此錫
相托今忽病翻教謝傳慟羊曇可憐汝母無涯恨相對
天爲之愴然荒墳月下談

題張素夫胥山小隱圖

齒齒崖嶠閒嘉植森以束冥鴻與靜俱肥遯良可卜溪
聲滿飯盂山色浸茆屋依微青靄中風舉芰荷服敦槃

感故交宿草不復綠

謂板橋穀原大恒長老也

畱題在此圖墨彩濃

可掬沈吟舊雨詩彌想幽人躅

君家伯氏畫我見常愛憐胥山忽到眼突兀生雲煙畫者品固潔所畫人更賢鬚眉飮經籍世隔神猶全二老默無語怡怡宛當年竹香經雨瘦松影旋風圓斯境殊可慕厥意誰能傳

雙節詩爲汪煥曾之母王徐兩孺人作

淇泉仙尉瓊林標蘭徵燕姑兒方嬌鸞膠新續朱絃調馬蹄蹴嶺蠻雲高帝居告竣神下招芝焚蕙歎松先凋翩翩素旄歸浙潮家徒四壁風蕭騷夫人誓死從荒郊

小星欲引桓嫠刀老姑勸慰神吻焦閨幃勉作程嬰豪
門前索負集蝟毛誰能解縶如解縶女媧赤手石可燒
經營補綴完青霄搖風漂雨驚廼巢持門健婦心忉忉
遷居有議聲嗷嘈中流砥柱偏堅牢息肩安問幽與喬
墓田長守供菁茅溫恭淑慎光自韜六年潛戢飛鳴鵠
春鳩秋蟀續與縑伴孤誦讀燃蘭膏鼓聲五下雞三號
書簪星火紅未銷二十餘載冰霜操流傳海內聞於

朝兩嫠生死名並褒尉兮泉下應逍遙鯉庭頭角初嶢
嶢雲天月地揚秋鑣搏風遠答劃荻勞凌雲碑版瀧岡
雕

和山舟鐵畫歌原韻

水秀精英鬼工裁六丁扇燄陽光裂千錘百鍊圖畫開
董巨荆關盡橐筆雕鏤林壑何玲瓏髣髴蘿薜搖春風
清剛觸手骨節硬黝黑滿眼雲陰重一幘蒼茫挂君壁
生綃詎羨鵝溪白銀癖應從柳下尋臥遊翻向爐中得
興酣意到神淋漓從心模範聰明奇墨池醜齷粉本陋
後誰繼述前無師巧製長下絕塗改紅蟬碧壺何由毀
林巒缺處鍛痕空九點煙橫一泓水

花雨

錯認飛靈雨繽紛是落英香霏驚背重紅滴草頭輕灑

屐猶疑濕侵階未有聲誰教天女散一夜滿春城

唐試帖中有金谷園花發懷古題拘於體格詩多
未暢余改作七古以廣其意

季倫豪氣排天閭黃金爲埒玉作堂築墅由來誇太傅
種花那復知河陽林閒招友二十四錦囊分韻兼壺觴
黃門詩識大奇絕零煙碎雨生蒼涼寂寂顏雲壓高閣
晴絲空繞秋千索春風夜入洛陽城吹綠池波過斜約
一枝曾照墜樓人惹得殘脂變紅萼浮雲富貴夢邯鄲
何待平泉草木淹昔年花發開如市玳簪珠履停羣驂
今年花發狐兔走誰知國色矜朝酣孤芳自賞還自惜

物猶如此人何堪金輪不駐義和馭如許繁華水東去
花落花開總斷腸七尺珊瑚在何處流鶯猶學舊笙歌
願對烏衣燕同語

題嚴先生祠堂二首

暫過桐江問釣磯那知煙水有簑衣先生原不垂綸隱
休把羊裘論是非
伸足怡然在帝廷故人忘勢帝忘形封章太史真多事
從此難忘一客星

新葺泊鷗莊

新葺垣墉三畝餘旁人指是寓公廬春從啼鳩聲中過

人在停雲影底居名士壺觴分韻後歡場絲管上鐙初
何須金碧添粧抹自有湖山美助予

哭母六首

劬勞罔極恩生我在西蜀三峽走滔滔驚舟恐鞠育撫
養六十年寸草心局促鐙前話厥初歷歷常在目何爲
寢門閒陡來不祥鵬六旬與六齡失恃同躑躅不如伯
兄亡先待青山麓

全城推練氏我母德豈殊持家整且肅處事安以舒非
無翦髮事不足若有餘清齋非所尙佞佛嗤羣愚偉然
女中傑壺範無人如嚴霜隕慈竹絕御新晴興吁嗟我

欲出誰倚風中閭

哀哉我 顯考中道先棄捐遺孤三十載陟屺膺悲關
鵲聲楚寒食殯舍西園偏熒熒母與子艱苦相周旋持
家徒四壁負郭無寸田晨羞與夕膳惶悚南陔前苦無
甘脆味頤養桑榆年

種松非梁棟不如麻與桑生男無組紱不如委路旁我
生愛細帙髫齡譽頗揚人爲北堂慶庭蘭必芬芳轅駒
歲復歲局局銷精芒一第且難致矧襲三公裳看人兒
女大母氏心悲傷

人生苦別離十載九作客憶從燕北歸萱幃髮猶黑鞭

絲五嶺遊親髮已成雪喜懼繫親年家貧敢家食徘徊
復徘徊去住兩怵惕征衣裂復縫慈泪乾又滴多違定
省儀欲補終無及

八秩耀春輝芳辰共延佇蒼天屬何心數日靳不與親
朋遠方來弔賀惑中路倉黃遇庸醫所藥能不悞千里
尙團圞尺步翻閒阻留遺無片言一寐竟勿寤海水如
可量我罪深幾許

過淨慈謁濟公禪師像

雷峯終古照琉璃何礙村醪甕日攜一部梨園誰解得
彌天釋是醉菩提

過集慶禪院

駐錫人何在支筇我獨尋
旛幢杳無影魚板忽聞音
佛與山同古雲兼樹更深
樵夫不到處誰識有祇林

五柳居酒肆以醋魚擅名
近日烹調失味人多厭
棄因戲作截句爲其解嘲

潑刺初聞柳岸傍客樓已罷老饕嘗
如何宋嫂當壚後猶論魚羹味短長

晚步白沙堤

寺暝初懸火湖空只貯鷗
浦雲生澹暮汀蓼隱紅秋月
上諸天靜僧歸一櫓柔今朝清景好
芒屨且勾留

過半閒堂舊址

何年鐙火照平章一逕空山草色荒
蟋蟀自知亡國恨更無聲到半閒堂

題張雨村天台遊草卽用張若坻韻

帆挂漸江雲舟穿剡溪蓼突兀見天台東遊得仙島一
笑黑頭年穿磴屐齒老遐覽意騰騰獨往神矯矯如酒
入沈酣如書竭搜討抗懷孫興公作賦矜孰早瓊臺銳
而雄螺溪清且窈雙闕洵玲瓏桃源復窈窕雲際石爲
梁天工豈人造終古雪奔崖炎天暑偏少詩豪手八叉
抽秘組蘿鳶寒山與劉晨賸迹互參考麗句照巖花清

聲答林鳥松風截毫端墨汗飛縹緲雁山百二峯我昔
快登眺年來腳力衰秋圃藝葵棗今讀天台詩幽夢重
繚繞一萬八千奇心醉目亦飽雲停掩卷餘宵次青未
了勝踏赤城根緣巖拾瑤草

由瑪瑙寺至葛仙嶺登初陽臺復遊赤壁庵而歸
舄閒青滿蘚苔痕幾折煙霞仔細論敢與松杉爭老健
愛同猿鶴敘寒溫丹爐火冷仙無路法鼓聲多佛有村
揮手山僧歸去也白雲隨我到柴門

泊鷗山房集卷二十八終

泊鷗山房集卷二十九

會稽 陶元藻 鳧亭

詩十五

悼亡詩十首

襁褓前緣豈偶然

締姻時余未及週歲孺人纔三齡

打包何事棄余先

回頭羈旅真多憾屈指團圞亦可憐薪米怕分稽古志

巾箱自辦典衣錢從今寫盡千番紙難罄荆釵德曜賢

戒旦雞鳴底事忙我窺書卷汝縫裳祇緣井井神偏疼

不類庸庸福豈長辛苦蒸嘗兼乳哺綢繆醢醬及蠶桑

六旬也可稱偕老畱得鰥魚卻斷腸

相忘泉下有歸期北走南征兩鬢絲金到賣文銷易盡
書成告憊得偏遲全家枵腹憑誰托幾度荒年賴汝支
爲感糟糠恩義重不關重憶畫眉時

會殤兒女在南樓璧瑗雙埋共一圻

廷璧廷瑗
兩兒早殤事少懽

娛知蹇命言無谿勃著姁修敬云垂老辭勤苦早識安
貧絕怨尤嚙盡菜根身已殞不知節儉爲誰謀

黃花同瘦力俱完一病膏肓補救難勤到作姑仍作媳

憂來忘寢并忘餐夢尋嬌女魂何遠

次女蘊素孺人鍾
愛今已亡十八年

手撫雛孫影尙單細數吾宗休太息幾家母在子爲官

力疾持家屢減餐無端鬼祟起波瀾手調中饋廚猶熱

魂泣高堂泪始乾

先慈見背之夕孺人已病革猶於枕上呼天而哭

冰畔晨昏

憐少子天邊風雪憶長安
孝慈兩字真無愧莫作陳言
獎許看

九還無路訪軒岐
憔悴秋蘭攬鏡疑
齒非誤投初病藥
因循悔失早春醫
人將變易孤單影
天豈矜憐淑慎儀
剪紙招魂過江去
雲栖香梵禮牟尼

四十年來伉儷情
房中琴瑟鳳和鳴
雞窗有火人同織
虎榜無名泪共傾
半世迂疎卿諒我
滿懷懊惱我憐卿
以忘垂死丁寧語
重締姻緣訂再生

孺人永訣之日願余曰來生我與汝

川爲夫婦自五更至午刻相司不下數十聲至氣絕乃已

虛堂畫軸影長懸舉案儀容髣髴邊我似孤鴻家亦客
身非明月缺難圓生離汨燥纔三載死別心傷又半年
節序漫勞親友問強爲懽笑轉悽然

正約陽川理棹過無端心事竟蹉跎飄零曉鏡人華髮

惆悵春江水淅波

孺人家住陽川未病前三日尚有來春買舟同往之約

遺挂懶

將塵拂拭殘年忍與泪消磨莢裘營得青山路同話淒涼到薜蘿

卜居

不遇丁年老更閒卜居長傍翠微閒鳴騶無分來空谷
那怕移文詎北山

過茅家埠

一葉扁舟柳下維
幾邨雞犬映疎籬
梨花尋徧湖西路
不見蕭娘舊酒旗

徐大河頭觀荷二首

如鏡陂塘處處逢
迂迴一逕繞芙蓉
渾疑小艇衝波入
四面紅香影萬重

漫把淩波望水仙
洛神今已化爲蓮
畫欄鐙火江園夜
夢斷揚州二十年

山行

策杖山行路幾叉
石麟累累影欹斜
墓門秋樹聲難聽

最是于家與岳家

病腳

三月不入城煙霞痼如許我學媿稱儒我足已先腐淋
漓竟剝膚瑟縮難布武布襪不相容青鞋亦能拒那得
門生舁空教竹杖拄路旁跛驚行山前老夔舞憐余良
趾人兀坐誰復侶曾聞古牟尼僵臥在西土我豈疲津
梁有脛勿出戶昔爲行腳僧今爲裹足女親朋得得來
一笑卻克苦人言葛稚川燒丹已冲舉丹井在吾家跬
步艱且阻湖山如詩人十日病我五酒帘漸招尋茶銚
可烹煮伸紙畫烟雲臥遊孰余侮

泊鷗莊落成四首

林家山對葛家山，仙隱從來住此閒。
我似漁人原泛泛，誰稱桑者獨閑閑。
一簪寒火林中出，兩版衡門水上關。
悔買沃洲遲廿載，潭光照得鬢絲斑。

軟玻璃內結鷗盟，筇杖芒鞋影亦清。
牆角種花餘半畝，山根容膝有三楹。
涼桐陰底支頤坐，瘦竹梢頭看月生。
如此風光自消受，肯教蘿薜易簪纓。

跌宕輸他白與蘇，漫勞絲管慰桑榆。
厭尋人影衣香路，重展蘋風荻雨圖。
徹夜湖光明戶牖，幾聲鴈語入菰蒲。
未知水木清華處，分得藍田一角無。

平生印壑本難忘不繫舟居水一方野老門庭雲亦懶
荷花世界夢俱香憑誰畫紙同棋局重憶循陔痛養堂
短句自吟還自改幾回叉手過長廊

邵二雲編修招余遊三潭并攬湖南諸勝適以腳
疾不赴因作長句酬之

秋生蘋末風飄蕭穀紋吹皺烟迢迢玻璃千頃美陂美
柴門剝啄岑參招招余三潭看湖色筆床茶竈羅吳船
庾樓老子興不淺一病媿與梧桐凋葵能衛足余勿逮
跛不能履難逍遙臭腐怕遭花竹笑蹙躡反受禽魚驕
西泠尺步思一到儼如海外登秦橋問壑尋邱久踈懶

澆書攤飯甘寂寥生憐垢膩腳不襪泥塗混跡漁與樵
湖邊蓮盡桂復好幾番辜負看花朝蛩吟兀坐紙窗底
寒鐙疑照枯僧寮感君枉顧飽君德敢酬長句輸瓊瑤
天公療吾雙足健黃雞白酒吾相要南山之南北山北
捫蘿同陟雲岩巖

過徐潤亭閣學墓

隧閔鐙長隔巖空欬自吟青山懷舊雨黃葉對孤樹十
字豐碑在三年宿草深古心兼古貌何處復招尋

題張雨邨煮茶小影

酒以劉伶豪飯是簾頗善何如盧玉川七碗矜茗戰蟹

眼劇周旋素濤恣畱戀惜無畫師傳高致不可矐兩邨
作賦才清談共禪院徘徊老樹根坐聽禽聲變一卷出
巾箱三毫頰中見松影落坡陀苔花襍芳甸安排折足
鐙搖曳團蒲扇旗槍沃乳泉沈瀼晨與曠我昔過惠山
烹水啜陽羨新柳未垂絲殘梅尙餘片摩挲古竹爐畱
題梵王殿今展煮茶圖前遊想猶緬翦竹斷橋西松風
拂吟硯

湖上偶成

羣峯突兀澗聲轟人與林通鶴共癰巖樹有枝棲倦鳥
天倫無樂到潛夫淒涼縫裂征衣線宛轉香銷錦字圖

無限傷心向誰說秋風吹淚灑西湖

種桃

白堤花樹映前津又種桃花滿院春絕勝武陵溪口路
柴門長住捕魚人

宿葛林園

一枕孤眠對短檠鰈魚輾轉夢難成寒蛙偏樂方塘夜
坐月團圓話到明

殘暑

坐消殘暑憩山莊西望鄰園正夕陽卻愛隔牆松似蓋
借他清影半庭涼

庭前桂花盛開

天意憐秋樹繁英點綴工
空庭垂夕秀幽豔對衰翁影
照玲瓏月香吹瑣碎風
淮南仙去久招隱與誰同

漫笑

湖山漫笑髮鬢髻磨洗風光我尙能
老眼瞪奴新水鯽
小舸划摘嫩苗菱丹黃著樹知秋劇
晴雨關心望歲登
來往更無車騎客
漁樵人外兩三僧

買得丹桂繡毬木香薔薇玫瑰西番蓮諸卉共十

種分植山莊

平泉草木已成塵
小圃重分藥畹新
他日春風過裙屐

看花休忘種花人

昨接兒子廷珍來信欲余歸里因寄示一律

雙魚日昨度江關
勸我東歸栗里閒
只恐寒鐙依總帳
何堪破鏡照衰顏
家園蕪盡松兼菊
暮齒悲深病又鰥
爭似挂帆煙水外
任他白髮對青山

東嶂

巾子窺牆一柱尊
浮嵐暖翠變朝昏
余家山與人閒異
不見開門見閉門

先慈喜食杭城蒸藕
余每渡江必囑買之
歸必索食
今時物重新高堂安在
泫然有賦

藕熟初秋火殘牙滋味長音容逢舊嗜
朽勺感新霜總使堆盤薦何年舉箸嘗
門閭無倚杖歸路亦蒼茫

中秋對月

青衫一老坐寒壇回首家園益惘然
今夕人如初夢醒中秋月是去年圓
幸逢兒姪殷勤語相對湖山冷淡天
杯勺不勝還舉觶且拚沈醉燭花偏

題山齋

僕夫泉畔手誅茅肥遯新占上九爻
山水清華難作賦禽魚淡蕩可論交
寐當秋枕無完夜食遇殘牙有定庖
愛煞湖雲開似我倒拖藤杖立塘堦

再疊前韻

十笏緣巖小結茅
幽人真古驗羲爻
山光恰被湖光掩
栢影還同竹影交
鴨腳細繁荒圃石
雞頭新剝早秋庖
最憐風度淮南樹
時有飛花入硯坳

三疊前韻

泰運方亨廢拔茅
惟余作卦靳初爻
要逢惠遠重開社
敢效嵇康擅絕交
羈客僅餘雙鬢雪
侯門空代廿年庖
生成原是煙霞骨
合住山灣與水坳

獨居

獨居邱壑裡寂寂
置閒身烟水魚爲
媵雲天鴈作賓故

山同月遠老眼與書親猶有黃華菊相逢是舊隣

夜景

巖棲猶可樂吾道豈終窮夜色重湖裡吟聲側枕中殘
鐙閃踈箔涼雨墮高桐南北山前客幽懷幾輩同

移梅

七尺繩床傍矮窗月華如水潑寒缸今朝紙帳蘆簾底
添得梅花影亦雙

九日同姪倩蔡安周暨兒子廷珍姪女大媛女孫
阿增葛仙嶺登高得十二韻

節序秋偏爽登臨我尚豪寶雲開石磴葛仙嶺訪仙曹潑

瀑丹爐濕支松藥臼半幽崖隨語蟀峻壁趲飛猱羣從
多裙屐清遊勝酒螯髮雖羞落帽詩豈畏題糕木脫千
峯峭天空一鴈高迷離蕭寺增縹緲夕陽舫湖色明涵
鏡堤痕碧曳絲城闕羅市井江海走風濤客袖吳霜重
家山越望勞明年期健飯扶杖再遊遨

余三十年前讀書愚庵曾題七律十首於壁閒中
有句云欲買西泠芳草地臨湖新築讀書樓其
稿久失此語亦遂相忘當時有錢塘戴西昭者
錄詩而去今年余葺泊鷗莊旣成西昭向人傳
述舊句乃知素志烟霞真成痼疾一椽憩息亦

有前緣因索詩稿於西昭復賦此酬之

西泠芳草自芊芊青到柴門葛嶺邊詩酒未完前度債
湖山重結再來緣相逢鄂杜纔三月不夢邯鄲已廿年
余自丙子秋闈後不復有志功名故云多感神交戴安道爲余珍重舊吟箋

九月十六日夢亡妹蕙娘醒而有作

撒手當年嶺表趨到今生死竟殊途五更入夢憐同氣

七載傷心負托孤

余赴粵時妹以幼甥相囑不料一病而殞今已七載每念及輒爲憮然

廬舍有梁傾燕壘墓門無樹走樵蘇不知汝嫂魂歸後

長得纏綿話舊無

丹井

翦薙榛蕪爬塊磊一勺乳泉甘未改仙人駕鶴已不還
此井澄泓竟千載句曲外史樂應酣新城尙書想猶餒
深陵高谷幾變遷不涸懸知爲余待竹竿蕭撼致已佳
梅影橫斜景尤倍長開方鏡照羣峯鷺見圓靈落殘海
洗我老眼好窺書休問燒丹術安在

棲霞嶺後多石洞僧廬頗稱幽致年來老朽日增
足力軟弱每至山根輒廢然而返回憶丁年與
菊坡先兄遊歷往來蓋不勝生死盛衰之感云
紫雲緗縕白沙白金鼓無門兩奇僻幽扉忠蔭小香臺

倒映初陽一峯碧當年我與伯兄俱礧礧山行賦山石
此酬彼唱松竹閒如鳥應聲板響拍晨趨只恐露猶漚
歸路何知日之夕胡麻飯索洞真家玉版師參梵王宅
煙霞貯滿古錦囊踏破看山幾繡展今余頭白到林泉
矯首棲霞去天尺丹梯欲上歷級高我未一能人已百
兒童拍手笑衰翁縮縮如循真蹙躡懸崖開徧木犀花
心欲攀援手難摘同遊彈指三十年人作陳人迹陳迹
西秦招得旅魂歸泪灑原鵠影存隻我遲兄死又三年
兩足何能健如昔白雲倘肯下山來來伴茆齋獨居客

北征句壓南山強大聲
吹地喧礪硯蚍蜉撼樹不可動
爭祖兩宋祧三唐
漢京鄴下淳氣古已如論世談洪荒
誰歟更問十五國
攷訂六藝窺微茫
蛇珠荆璧人自貴
紛紛羨沸皆蜩螗
仔肩大雅無幾輩
晨星寥落分低昂
姚江鳳稱詞賦藪
霍君年少工篇章
嗜詩儼如嗜痂癖
苦吟藥碗茶鐺旁
天心月腋妙搜抉
含漱六藝羣言芳
江花在毫清且麗
紙間作作生英芒
老夫久荒吟咏硯
偶然捉筆心神僵
幾堆黃葉不開戶
一片白雲時拂裳
世人謬作識途馬
屢屢問字來林塘
撐腸餽之一萬卷
炎詹放蕩恣踈狂
君來自東不憚遠
吾寧避咎占括囊

山莊翦韭話言切歸帆目送情彌長願君勿學飲河技
當轍詎有同螳螂善射須彎百石弩旌旗壁壘觀堂堂
神龍天寶瓣香在何憂欲濟川無梁正始音從蘊藉入
錢劉尙足凌蘇黃此中三昧知者少那得牙曠參官商

寄秦沐雲

春風一棹下吳門話別衡河水竹邨說到功名惟我媿
算來耆舊幾人存罷官早赴青山社讀史閒消濁酒樽
還約天台同採藥石梁對坐敘寒溫

先菊坡兄旅病時曾以詩集寄余刪定并囑製序
今將付梓玠姪復請訂之

推敲心苦夢俱關病裡丁寧豈等閒一掬書生寒士血
十年羸馬峭帆閒欲垂世久重加訂轉痛人亡不忍刪
賦得招魂題卷後燭花光照泪痕斑

初雪

夢裏衾裯冷轉增虛窗生白曙騰騰呼童起看前山雪
昨見峰稜沒未曾

由錢塘門晚歸山莊

煙罨湖光嶺色昏兩三星火出前邨滿山凍雪無人語
自打梅花樹底門

斷鍼行爲嘉禾孝子李晴山道南進士作

閨中鍼幾許鐵冬縫裳夏縫葛製盡兒衣寬與窄與鍼
長伴惟刀尺天吳紫鳳刺繡工十指艱辛易兒食易兒
食敢蹉跎製兒衣手摩挲可憐衣與食都向鍼閒過養
兒成立親髮皤鍼頭辛苦當如何完鍼用斷斷鍼棄斷
鍼更比完鍼多一鍼一汨兒自拾汨同鍼聚難消磨兒
欲吞鍼苦難嚥痛煞用鍼人不見挑鐙吟罷斷鍼吟猶
憶鍼鍼夜穿線

臘月初五日初度感懷二律

雪花如掌撲湖濱惆悵今朝母難辰鞠我已逾周甲子
降吾殊愧楚庚寅輪迴未解前生事苦塊空悲後死身

何似去年初度日白頭兒拜白頭親

支離病骨對鐙篝數頁殘書茗半甌老母旣難重定省
餘生休問幾春秋淺深且自隨鷗泛修短何妨任鬼謀
只怪黃粱炊已熟竟無一夢見封侯

亡荆孫氏性喜佳山水余自閩歸嘗約來湖上作
十日遊五日飲以家事牽縈不果去年春重申
前約又以事中止今余卜築湖山而舊侶同心
竟成永訣言念及此徒切鰥魚之感彌增伉儷
之情心與魂馳吟同泪瀉

看花舊約幾因循辜負湖邊汗漫春買得煙霞棲獨鶴

羨他偕隱鹿門人

空閨棖觸步難前孤燕同悲舊壘邊
早識懸崖將撒手悔遊閩海又三年

灑乾老泪泪重盈痛似湖波熨未平
指點葛洪川路近那能牛背話三生

分釵青鬢尙綢繆况共勤劬四十秋
多少窮愁與離別從今一一到心頭

朔風颯颯客衣單怪底今冬雪倍寒
如此梅花如此月竟無人共倚闌干

憩息重湖半畝宮此生杯酒已難同
明年願結鴛鴦塚

置汝山青水綠中

仁荆嘗云吾最愛青山綠水環繞之處遊覽半日殊覺神怡

丁酉正月六日到山莊

摒擋書畫歇兩奴飽帆西渡江風驅眼光初到了
髻嶂輿影已落玻璃湖寥寥一犬吠寒澈指點我屋緣雲紆
疏沼依然泉洩乳種梅忽見花垂鬚兒童再熟隔年主
牽衣訊問歸來吾卹姬喜爲乃公壽維鱣貫柳羅庭隅
吾亦欣然樂其樂是家是旅心模糊人閒清福在山水
豈必蓋紫兼輪朱載酒船來脆管咽燒香市近紅裘趨
骨人雖愛山少肉絢染亦覺風光腴此地宜爲老龐老
當時悔學愚公愚櫬味在回蕉在漸何如甜蜜中邊俱

去年吟髭撚始斷今歲欲撚髭已無健飯嘗虞齒牙墮
緩步尙免筇藤扶要與禽魚辨勞逸敢同仙隱爭羸輸
頭銜新署兩湖長管領萬象煙雲圖

上元寄廷珍廷琬

一年月魄初圓夜兩載鐙街不踏身且幸煙霞寬禮節
長依猿鶴得比隣傳柑無分東華土挑菜偏私北渚春
底事鬢絲容易白詩窮人與墨磨人

故園慈竹已凋殘夢到牛衣影更寒空說春城騰火樹
誰來山竈製牢丸垂頭自辨書三昧洗眼還尋嶺八盤
同是棘人悲未已彌憐爾輩瘦樂樂

十四日適同地
師過八盤嶺

孤山有小廟祀五顯神杭人稱爲西泠五聖四方
商賈每於正月中禱神求利向守廟者買紙鏹
而去懸於家至歲終倍其數償之以爲神佑故
財多也相沿成俗不知肇自何年余戲作此以
醒鄉愚爲之捧腹一笑

人逢阿堵心顏開呼兄終日兄不來乞憐無計到佛腳
祭非其鬼真堪哀錢神廟在孤山址商賈行春先集此
廟僧剪紙糊作鏹借貸於人作嚆矢伊人貨殖偶然盈
交口稱神善驅使倍償鏹紙報秋冬神竟居功愈譎詭
黃雞白酒賽年年岸越江吳走如蟻刮毛龜背不成羶

丹砂煉金術難擬紙鏹果可誘真鏹舉國如狂我亦喜
大開笑口謂神言余是神鄰離尺咫睦鄰須擲買鄰錢
神豈無私不余視欲貸十萬青銅錢一啖富兒八百里

雪霽

積雪融初陽風盪雲亦醒娟娟兩高峯晴翠髻鬟並凍
開沙渚齷寒戀覺鷺脰春漲濶於秋遙邨沒煙艇

過招賢寺訪心遠上人相遇

杖藜一散祇園步剎啄禪扉僧不晤回頭不見孤山雲
方覺雲隨入城屨老僧心空境亦空嘗住湖邊嘗不住
琉璃宿火滅復明白照支公誦經處移時茶熟僧未歸

落盡梅花不知數牟尼相對兩忘言惟有禽聲在高樹
初春卽事

苔逕人稀到柴門鳥獨知夜香梅放屋春漲雪消池垂
釣逢新渚編年訂舊詩休問緣地僻欣與老夫宜

泊鷗八詠

西齋

荆扉秋自深虛室夜彌靜更闌人未眠涼雨滴鐙影
詩畫樓

蒼蒼峰色重瀼瀼湖光溢邱壑在胷中祇有王摩詰

雙桂書堂

庭樹兩婆娑秋光淡如水滿山木犀香那知花在此
拜石軒

相對兩忘言我狂石亦介丈夫骨自尊能無折腰拜
竹香梧影山房

幽篠羃北牖高柯挺南榮翠碧交日午夏簟微涼生
怡雲閣

天半碧芙蓉正對攤書處幾度欲東歸難拋白雲去
鳧亭

草亭俯幽潭淨綠照毛骨深淺人不知鳧鷖自出沒
丹井

我嘗洗耳來客復烹茶至神仙不可求休問燒丹事

題鄭觀占觀釣圖四首

我昔論文語若翁期君鱗爪見雲中如何天忌才名甚
娛老溪山托畫工

半世焚膏繼晷忙今朝休暇過林塘曾蟠古綆千絲網
便說臨淵羨不妨

誰說魚苗種水隈驚鉤爭躍綠萍開祇緣箋罷詩三百
要認鱸魴鯉鯉來

柳暗花明日影遲肯教孤負討春時紅塵無處施青眼
一笑煙波付釣絲